

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1908973630, 1909057801, 1909061589 և 1909063775 որոշումներն անփոփոխ թողնելու իսկ թիվ 1908973635 և 1909063776 որոշումները բեկանելու և վարչական վարույթները կարճելու մասին

<<13>> 02 2019թ. 17-13 10931-19/17-13 654

ք.Երևան

Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Ալինա Ղուկասյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Մուրացանի փողոց 132 տան բնակիչ Ալինա Ղուկասյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին մասին թիվ 1908973630, 1909057801, 1909061589, 1909063775, 1908973635 և 1909063776 որոշումները՝ նշելով, որ դրանք կայացվել են նույն իրավախախտման համար:

Դիմումի քննարկման արդյունքում պարզվել է, որ դիմումատուի խնդրանքը ենթակա է մասնակի բավարարման հետևյալ պատճառաբանությամբ.

14.01.2019թ. թիվ 1908973630 և 1908973635 որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը 18.12.2018թ. ժամը 14<sup>00</sup>-ին կանգառ է կատարել Երևան քաղաքի Աբովյան փողոցում՝ նույն տեղում, նույն դիրքով, սակայն առաջին դեպքում իրավախախտումը արձանագրվել է Երևան քաղաքի Աբովյան-Արամի փողոցների խաչմեջուկի հատվածում տեղադրված տեսանկարահանող սարքի միջոցով, իսկ երկրորդում՝ Աբովյան-Պուշկին: Չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

31.01.2019թ. թիվ 1909063775 և 1909063776 որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը 12.01.2019թ. ժամը 13<sup>15</sup>-ին կանգառ է կատարել Երևան քաղաքի Աբովյան փողոցում՝ նույն տեղում, նույն դիրքով, սակայն առաջին դեպքում իրավախախտումը արձանագրվել է Երևան քաղաքի Աբովյան-Արամի փողոցների խաչմեջուկի հատվածում տեղադրված տեսանկարահանող սարքի միջոցով, իսկ երկրորդում՝ Աբովյան-Պուշկին: Չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

<<Վարչարարության հիմունքների և վարչական վարույթի մասին>> օրենքի 43-րդ հոդվածի 1-ին մասի <<բ>> կետի համաձայն, անձի եւ վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար ոչ բարենպաստ փաստական հանգամանքների առկայության

դեպքում, հետևաբար վարչական տույժ նշանակելու մասին թիվ 1908973635 և 1909063776 որոշումները ենթակա են բեկանման:

Ինչ վերաբերվում է թիվ 1909057801 և 1909061589 որոշումներին, ապա դրանք անվավեր ճանաչելու իրավական որևէ հիմք առկա չէ, քանի որ դրանց հիմքում դրված տեսանյութերը փաստում են, որ դրանք կայացվել են տարբեր իրավախախտումների համար, իսկ Վարչական իրավախախտումների վերաբերյալ ՀՀ օրենսգրքի 35-րդ հոդվածի 1-ին մասի համաձայն՝ մեկ անձի կողմից երկու կամ ավելի վարչական իրավախախտումներ կատարելու դեպքում վարչական տույժը նշանակվում է յուրաքանչյուր իրավախախտման համար առանձին-առանձին:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> օրենքի 63-րդ հոդվածի 1-ին մասով և Վարչական իրավախախտումների վերաբերյալ 293-րդ հոդվածի 1-ին մասի 1-ին և 3-րդ կետերով՝

### Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1908973630, 1909057801, 1909061589 և 1909063775 որոշումները թողնել անփոփոխ, իսկ վարչական բողոքն առանց բավարարման:

2. Ճանապարհային ոստիկանության վարչական տույժ նշանակելու մասին թիվ 1908973635 և 1909063776 որոշումները բեկանել և վարչական իրավախախտման վերաբերյալ գործի վարույթները կարճել:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Ալինա Ղուկասյանին:

Կատարող Ղ.Բալասանյան



Ե. Կարապետյան